



29. februar 2016

UPA 2016/119

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

2016-imi aasartinnagu Telepost A/S-imi piginnittuunermut periusissiamik ersarisumik Naalackersuisut suliaqarnissaannik Inatsisartunut aalajangiiffigisassatut siunnersuut. Piginnittuunermut periusissiasami tele-p iluani namminersortunngorsaanissami pilersaarutit naatsorsuutiginninnerillu ersarissumik allanneqarsimassapput. Tamatuma saniatigut ingerlassanut Telepost A/S-mut toqqaannartumik imminut akilersinnaangitsunut Telepost A/S-ip aningaasaliinissaanut qanoq naatsorsuutiginninnerit ersarissarneqarsimassapput, taakkunungalu søkabelip tallineqarnissaanut radiokædellu pitsanngorsarneqarnissaanut pisat ilaapput.

(Inatsisartunut ilaasorta, Kalistat Lund, Inuit Ataqatigiit)

Tunggavilersuut

Ukiorpassuannagortuni nalunaarasuartaatinut, tele-mut, tunggasutigut namminersortunngorsaanissamik taakkunatigullu nutaanik aningaasaliisoqarnissaanut pisariaqartitsinermut tunggasunik eqqartuivugut. Taakkua marluk imminnut akerleriissinnaanerit ilisimallutigu tamakka eqqartortarsimavagut. Namminersortutut ingerlatsiviusumi A/S-ip ingerlassanut aningaasatigut akilersinnaangitsunut aningaasaliinissaa naatsorsuutiginninnerit ilaqqarsimassapput. Tamattaluunniillu nuna tamakkerlugu tele-mut tunggasutigut nutaanik aningaasaliinertigut iluaqusiinikkut inuiaqatigiit aningaasaqarnerannut pingaaruteqassusia isumaqarfigigaluarutsigu taamaappoq.

Politikkikkut ersarissumik oqariartuuteqarnissamat piffissanngorpoq. Telep tungaatigut namminersortunngorsaanissaq Naalackersuisunit kissaatigineqarpa, taamaattoqassappallu tamanna Telepost A/S-mut qanoq kinguneqassava? Telepost A/S-ip aktieselskabinut piunarsaqaatinut naammassinnissinnaanera Naalackersuisuniit naatsorsuutigineqarpa, imaluunniit Telepost A/S-i inuiaqatigiinnut iluaqutaasussatut suliaqarnissatut aningaasaliisussatut inissisimassava?

Pisami matumani Naalackersuisut imminnut akerleriittunik oqariartuuteqartarnerat Inuit Ataqatigiinniit isumakulunnartoqartipparput. Paasisagut naapertorlugit niuerfiup kiffaanngissuseqarluni namminersortuullunilu ingerlanissaata akikinnerujuaannarnissaannik Naalackersuisut isumaqarunarpur. Piviusulli taamatut ajornaatsiginnginnerannut Naalackersuisut paasinnissinnaanerit amigaatigaarput. Piviusumi imaappoq nunatsinni sumiiffinni amerlanerni annerusunik aningaasaliissutit imminnut akilersinnaanissaannut sullitat ikippallaartut. Niuerfimmilu kiffaanngissuseqarlunnartumi pissutsit pitsanngorsarneqarnissaannut aningaasaliissutissanut nutaanut tunggavissaqanngilaq. Taamaattumik nunap tamarmiusup ineriartortinnissaanut qulakkeerisumik ersarissumik politikiliortoqarnissaa kissaatigaarput. Tamanna niuerfiup ilaata namminersortunngorsartinneqannginnissaannik isumaqarsinnaavoq, tassa sumiiffinni taakkunani kisermaassineq ingerlaannartinneqarsinnaalluni. Aamma aningaasatigut illersorneqarsinnaasumik ingerlatsinissaq aallaaviusarmat aktieselskabitut piunarsaqaatit naammassineqarsinnaanerisa qulakkeerneqarnissaanni Telepost A/S-i allannagortinneqarlunnartariaqarsinnaavoq.

Ersarissunik oqariartortoqartariaqalerpoq. Namminersortunngorsaanerup akikinnerunissaannik inuit oqaluttuuttuaannarsinnaanngilagut. Ullumikkut nuna tamakkerlugu akit atussaanissaanni tapiissuteqartoqartarpoq kisermaassisutullu ingerlatsiviulluni. Tamanna ersoqatigiinnertut

nunalu tamakkerlugu aningaasaliisarnernik qulakkeerisutut Inuit Ataqtigiinniit isigaarput. Namminersortunngorsaraanni illoqarfiit annerit avataanni akit annertuumik qaffariaannaapput nutaanillu aningaasaliisoqartarunnaassalluni. Aningaasaliinerit Namminersorlutik Oqartussaniit pinggippata. Aaqqiineq sorlerluunniit qineraluaraanni isumarput naapertorlugu akit inissinneqarnerini ersarissutsip qulakkeerneqarnissaa anguniagaasariaqarpoq aningaasal-iisarnissallu nunamut tamarmut atuuttuunissaat qulakkeerneqartariaqarluni.

Aamma kabelip immap naqqatigoortup, søkabelip, siunissami qanoq pineqarnissaanut politikkikkut qanoq oqariartuuteqarnissaq qanorlu iliuuseqarnissaq apeqqutaalluinnarmata eqqaamassavarput. Aaqqiinissanut akimmisaartitsisut tassaapput politikkerit, allaangitsut.

Pisortanut aningaasaqarnikkut allaffissornikkullu kingunissai

Piginnittuunermut periusissiassamut tunngatillugu suliarineqarnissaani AC-p ukiup ¼-iata sulineranik naleqassaaq.

Aningaasaqarnikkut allaffissornikkullu namminersortunut kingunissai

Siunnersuutip akuerineqarneratigut susassaqarfimmi tassani qanoq ineriartortoqassanersoq ersarississaaq, nukinnillu atuilussinnarneq unissaaq, soorlu pilersitsinernut nutaanut aallarniinissanut periarfissaqalissasoq. Siunissaq eqqarsaatigalugu aaqqiisoqarnissaa qitiulluinnartuuvoq.

Innutaasunut aningaasaqarnikkut allaffissornikkullu kingunissai

Soqanngilaq